

ՏԱՍՆԵՐՈՐԿ ՏԱՐԻ

ՄԵԼԿ

Տարեկան դիմել 10 րուր, կես տարվանը 6 րուր:
Առանձին համարները 5 կոպեկով:
Թիֆլիսում գրվում են միմյանի նմանագրատան մեջ:
Օտարապաշտպանը պիտի լինի ուղղակի
Тифлис. Редакция «Мелк»

Խմբագրատունը բաց է առաօտեան 10—2 ժամ
(Բացի կիրակի և տոն օրերից)
Ցայտարարություն ընդունվում է ամեն լիզուով:
Ցայտարարությունները համար. վճարում են
խմբագրությանը բաժին 2 կոպեկ:

ԲՈՎԱՆԳԱՆՈՒԹԻՒՆ

Մեր պաշտօնականների դասակարգի ընտանիքները—ՆԵՐՔԻՆ ՏԵՍՈՒԹԻՒՆ, Ընդհանուր հայ ուսուցչական ժողով Թիֆլիսում, Ներքին լուրերը—ԱՐՏԱՔԻՆ ՏԵՍՈՒԹԻՒՆ, Բազմաթիվ Ամերիկայի գերմաների Արտաքին լուրերը—ԽԱՌԻՆ ԼՈՒՐԵՐԻ—ՀԵՌԱԳԻՐՆԵՐԻ—ՅԱՅՏԱՐԱՐԱՐՈՒԹԻՒՆՆԵՐԻ—ԲԱՆԱՍԻՐԱԿԱՆ, Իրաւունքի կոչում:

ՄԵՐ ՊԱՇՏՈՆԵԱՆՆԵՐԻ ԴԱՍԱԿԱՐԳԻ ԸՆՏԱՆԻՔՆԵՐ

Մեր երկրում գեռ ևս շատ քիչ կան ազատ պարագմունքներ. այդ պատճառով մեր ինտելիգենցիայի մեծ մասը պետական ծառայություն է մտնում և այդպիսով մեր պաշտօնականների դասակարգն է կազմում մեզանում հասարակութեան ինտելիգենցիան:

Եւ որովհետեւ ամեն տեղ ինտելիգենցիան հասարակութեան մնացած դասակարգերի համար ծառայում է որպէս օրինակ թէ ընտանեկան և թէ հասարակական իդէալի, այդ պատճառով և մեզանում, հայոց այն ընտանիքները, որոնք պատկանում են պաշտօնականների դասակարգին, ամեն բանի մէջ օրինակ են ցոյց տալիս մեր հասարակական մնացած դասակարգերի ընտանիքներին:

Պաշտօնեան իր ընտանիքից դուրս խօսում է պետական լեզուով, ընտելանում է այդ լեզուն այն աստիճան, որ մտնում է այդ լեզուի գործածութիւնը և իր ընտանիքի ներքին կեանքի գործածութեան մէջ: Բացի սորանից այն ծանօթները, հիւրերը, որոնց պաշտօնային ընտանիքը իր մօտ ընդունում է, նոյնպէս բոլորն էլ պատկանում են պաշտօնականների դասակարգին:

Այդպիսով ընտանիքը փոքր առ փոքր ընտելանում է պետական լեզուն և այդ

լեզուի գործածութիւնը այն աստիճան սուփրական է դառնում ընտանեկան շրջանում, որ նոր սերունդը, մանաւանդ աղջիկները սկսում են մոռանալ և վերջը արհաւիրել իրանց մայրենի լեզուն, համոզվելով որ մայրենի լեզուով ոչ մի կրթված, ինտելիգենցիային պատկանող անհատ չէ խօսում, այլ նրանով իր մտքերը արտայայտում է միայն հին սերունդը, անկիրթ մեծ մայրը, կամ պառաւ հօրաքոյրը....

Այդպիսով կրթված դասակարգը հեռանում է, խորթանում է ժողովրդից, իր մայրենի լեզուն չի մանալով անկարող է լինում ուսումնասիրել, հասկանալ ժողովրդի կեանքը, նրա պէտքերը:

Շատ անգամ հայ պաշտօնեան լինում է և կալուածատէր և ահա նա գործ ունենալով ժողովրդի, երկրագործ հայ դասակարգի հետ, չը գիտէ նրանց լեզուն, չէ կարող նրանց հասկանալ և իր կողմից հասկացնել և նրանց իր մտքերը չէ սերունդի մէջ այդ ընտելանալ պետական լեզուն և իր մայրենի լեզուի մոռանալը լինում է անգիտակցական և եթէ այդպէս կարելի է ասել պարտաւորիչ: Բայց նոյն պաշտօնային դասակարգը, մանաւանդ օրիորդները, արդէն ուրիշ աչքով են սկսում նայել մայրենի լեզուի վրա: Տեսնելով որ ոչ մի կրթված մարդ չէ խօսում այդ լեզուով, նրանք սկսում են արհամարհել մայրենի լեզուն, որի հետեւեքն այն է լինում որ վերջը սկսում են արհամարհել և այն դասակարգը, ստորին, աշխատող, երկրագործ դասը, որ խօսում է այդ լեզուով: Այդպիսով մեր նոր սերունդը սկսում է արհամարհել այն դասակարգը, որ նրա համար աշխատում է և իր ձեռքերի վաստակով նրան կերակրում է:

Սովորեք պետական լեզուն, որովհետեւ նա մեզ անհրաժեշտ է, որովհետեւ նա մեր առաջ բաց է անում ուսման, կրթութեան լայն ասպարէզ, բայց չը մոռանանք, չարհամարհենք և մեր մայրենի լեզուն, որով խօսում է ժողովուրդը, որ այն զօրեղ միջոցներից մէկն է, որ մեզ կապում է ժողովրդի հետ, հնար է տալիս մեզ ծանօթանալ ժողովրդի հետ, ուսումնասիրել նրա կեանքը, հասկանալ նրա կարիքները և նրան հասկացնել մեր մտքերը:

Թող մեր ինտելիգենցիային պատկանող կալուածատէրերի ընտանիքները չը մոռանան, որ չէ կարելի արհամարհել այն ժողովրդի լեզուն, որ նրանց անուցանում, կերակրում է իր ձեռքի ծանր աշխատանքով: Եւ բացի սորանից չէ կարելի ժողովրդի մէջ ապրելով, առանձնացած, խորթացած, կղզիացած լինել ժողովրդի մեծամասնութեանից, չէ կարելի նրա մէջ ապրելով, նրա համար օտար լինել, չէ կարելի ուզենալ նրան օգտակէտ լինել առանց հասկանալ նրա խօսած մայրենի լեզուն:

Խուս մամուլը այդ կողմից շատ ուղիղ է նկատում վերջին ժամանակները, որ բերօք կրտսեան պաշտօնականների դասակարգը խորթացել է ամեն տեղ ինտելիգենցիան ամբողջ:

Գ. Ա.

ՆԵՐՔԻՆ ՏԵՍՈՒԹԻՒՆ

ԸՆԴՀԱՆՈՒՐ ՀԱՅ ՈՒՍՈՒՑԱԿԱՆ ԺՈՂՈՎ ԹԻՖԼԻՍՈՒՄ

«Մշակ» 141 №-ի մէջ ապագայ ուսուցչական ժողովի վերաբերութեամբ մենք յայտ-

նեցինք արդէն, որ ամառը մի յանձնաժողով, ապագայ ուսուցչական ժողովի պալատանց ծրագիրը քննելուց և էապէս ընդունելուց յետոյ, ի միջի այլոց որոշեց՝ ներկայ ուսումնական տարվայ ընթացքում պ. Բարխուդարեանցի միջնորդութեամբ Թիֆլիսում ընտրել մի կարգադրող մասնաժողով՝ ապագայ ժողովի բոլոր հարկաւոր նախապատրաստութիւնները տեսնելու համար: Այդ մտքով պ. Բարխուդարեանցը մի հրաւեր կարգաց Թիֆլիսի ուսումնական յանձնաժողովի անդամներին (ընտրած անցեալ տարվանից Թով 30 հոգի), չորեքշաբթի, սեպտեմբերի 30-ին, հաւաքվելու ս. Գայեանեան դպրոց: Այդ երեկոյ ներկայ էին հազիւ 9 հոգի և ժողովը չը կայացած համարվեց: Այդ ժողովում առաջարկվեց՝ հրաւիրել հետեւեալ նիստին, բացի յանձնաժողովի անդամներից, և այնպիսի անձինք, որոնք կարգադրող մասնաժողովի կառավարչական մասում աւելի պիտանի և օգտակէտ կարող են լինել: Համաձայն այս առաջարկութեան ցուցակագրվեցան որոշեալ մարդիք և ժողովը նշանակվեց չաբաթ, հոկտեմբերի 3-ին, երեկոյան 7 ժամին ս. Գայեանեան դպրոցում: Այդ ժողովին ներկայ էին մինչև 22 հոգի:

Չանագան խօսակցութիւններից յետոյ և ամառվայ վերջին յանձնաժողովի արձանագրութիւնը կարդալուց յետոյ (որը, նկատեմք այստեղ, գլխի 'ի զլուսն անկարգ և անձուռնի էր կազմած) պ. Բարխուդարեանցը յայտնեց, որ համաձայն այս վճռի այժմ պէտք է ընտրել մի կարգադրող մասնաժողով, որի համար իւրաքանչիւր անձին տուեցին մի կտոր թուղթ՝ նշանակելու 16 մարդ, որոնցից 12-ը անդամներ և 4-ը

ԲԱՆԱՍԻՐԱԿԱՆ

ԻՐԱՒՈՒՆՔԻ ԿՈՒՒՒ

Այս վերնագրով դուրս եկաւ դօկտոր Բուդոֆ Լիքնիցի 1872 թ. տպված այն ճառը, որ նա կարդաց Վիէնայի իրաւագէտների ընկերութեան մէջ:

Այն ազդու, զօրեղ և մի և նոյն ժամանակ հասարակ և պարզ լեզուն, որ նշանաւոր գերմանացի իրաւաբանը բացատրում է թէ ինչպէս է ամենայն մի իրաւունք գոյանում և իր գոյութիւնը պահպանում, մեծ տպաւորութիւն գործեց ամբողջ Եւրոպայի հասարակութեան վրա, վասն որոյ ես աւելորդ չը համարեցի նրա գրքոյի գլխաւոր միտքը յայտնի անել փոքրիկ յօդուածով կարդացող հայ հասարակութեան:

Իրաւունք բանը բովանդակում է իր մէջ մի յայտնի նպատակ և կրկնակի միտք ունի, առաջին՝ հէնց այդ նպատակն է, որին պէտք է հասնել, երկրորդ՝ այն միջոցն է, որ կարելի է հասնել նպատակին. բաւական չէ գիտենալ այս վերջինը, այլ հարկաւոր է որոնել և միջոց նրան ձեռք բերելու: Այս պատճառով իրաւունքը պէտք է պատասխանի այս երկու հարցին, և ճշմարիտ ամենայն մի իրաւունքի բացատրութիւն, լինի նա սեփականութեան իրաւունք, ժառանգութեան իրաւունք, քաղաքացիական իրաւունք և այլն, բովանդակում է երկու մաս, առաջին՝ որ ցոյց է տալիս այդ հաստատութեան (ИНСТИТУТ)

նպատակը, երկրորդ՝ նրա ձեռք բերելու միջոցները:

Երբ որ մենք երեակայացնում ենք մի որ և իցէ իրաւունք, իսկոյն մեր մտքում ներկայանում են երկու իրար հակառակ գաղափարներ՝ խաղաղութիւն և կռիւ, խաղաղութիւնը ինչպէս նպատակ, կռիւը ինչպէս միջոց այդ իրաւունքը գործ դնելու, և այդ երկու գաղափարները միմեանց լրացնելով սերտ կերպով կապված են իրար հետ: Բայց թէ իրաւունքը խաղաղութիւն է, կասեն շատերը, որ պէտք է կռիւ հետ ոչինչ կապ չունենայ և որտեղ կայ իրաւունք, այնտեղ կռիւ տեղ չը կայ: Այդ այդպէս կը լինէր (ասում է Երկնցը) եթէ որ խօսքս լինէր անիրաւունքեան իրաւունքի հետ կռիւում վրա, բայց ոչ, խօսքս իրաւունքի անիրաւունքեան հետ կռիւում վրա է, առանց կռիւի որ իրաւունքը պէտք է վարել անիրաւունքեան դէմ նա կորած է, ոչինչ է, քանի որ իրաւունքը կը շարունակի ենթարկվել անիրաւունքեան յարձակմունքներին, իսկ այս պէտք է շարունակվի յաւիտեան, իրաւունքի կողմից մրցումը անհրաժեշտ է և անվարձան: Ուրեմն պէտք է ասած, որ կռիւն ոչ թէ մի կողմնակի բան է իրաւունքի համար, այլ թէ կապված է այս վերջինի հետ սերտ կերպով և նրա գոյութեան անհրաժեշտ պայմաններից մէկն է: Վասնորոյ ամենայն մի իրաւունք աշխարհում պէտք է կռուվ ձեռք բերվի, լինի նա ամբողջ ժողովրդի կամ անհատի (այստեղ կռիւ բառը պէտք է հասկանալ ընդարձակ մտքով, ինչպէս խաղաղ միջոցներ նոյնպէս և արիւնահեղ պատերազմ): Այս պատճառով է որ արդարութիւնը նկարում են բռնած մի ձեռքում կշիռ, որով

կշռում է իրաւունքը, իսկ միւս ձեռքում սուր առաջնի պաշտպանութեան համար:

Իրաւունքը արդիւնք է ոչ թէ միայն պետական վարչութեան անդադար աշխատանքի, այլ և ամբողջ ժողովրդի. եթէ մենք մի հայացք ձեռք մի որ և իցէ ազգի իրաւաբանական շարժման վրա, միզ կը պատկերանայ մի և նոյն անվաստակ աշխատութիւնը այս ասպարիզում, ինչ որ մենք տեսնում ենք նրա անտեսական և մասուրական կեանքում:

Եւ ամենայն մի անհատ, որ զգում է իր իրաւունքը պաշտպանելու անհրաժեշտութիւնը, մասնակցում է այս համագային անվախճան աշխատութեան: Ի հարկէ կան մարդիկ, որոնց համար կռիւը պահանջ չէ. հազարաւոր անհատների կեանքը անցնում է արմատ գցած իրաւունքի սովորութեան յայտնի գծով և եթէ մենք նրանց ասենք թէ իրաւունքը կռիւ է, նրանք չէին հասկանայ, ինչպէս բարեկեցութիւն վայելող հարուստ ժառանգը կը զարմանայ, եթէ նրան ասես թէ սեփականութիւնը աշխատութեան արդիւնք է: Այս կարող է վերաբերել ոչ թէ միայն անհատներին, այլ և ամբողջ սերունդի. մէկին վիճակվում է անընդհատ պատերազմ, իսկ ապագայ սերունդը վայելում է խաղաղ կեանք: Ազգերը մի և նոյն սխալ դատողութիւնն են անում, ինչ որ առանձին մարդիք: Այնու ամենայնիւ իրաւունքը պահպանում է միշտ իր երկու յատկանիւնը—խաղաղութիւն և կռիւ: Մէկի փոխարէն որ վայելում է հանդիստ կեանք, միւսը աշխատում է և կռուում:

Այս գաղափարը, որ ես յառաջ եմ բերում, ասում է Երկնցը, հակառակ է նախկին չիցլայի

հայացքին իրաւունքի ծագման և պահպանութեան մասին: Այս բովանդակական չիցլայի, որի պարագլուխ կարելի է անուանել Սալվինի և Պուխտայ, ուսումը, որ մինչև այժմ էլ տարաբախտ բար տիրում է հասարակական կարծիքին, քարոզում է, որ իրաւունքը բղիւսում է ինքն իրան խաղաղ և աննկատելի կերպով, առանց կռիւի և աշխատութեան ազգի կողմից, այնպէս, ինչպէս ծագում է և կազմվում լեզուն իր բառերով և կանօններով, իսկ էլ այս կարծիքի տէր էի, ասում է հեղինակը, երբ դուրս եկայ համալսարանից, բայց կարելի է արդեօք նրան հիմնաւոր համարել: Պէտք է ասած, որ ճշմարիտ, իրաւունքը մի կողմից ունի այդ յատկութիւնը—խաղաղ կերպով զարգանալ. այս դէպքին կարելի է վերաբերել զանազան օրինական գրութիւններ, որոնք դուրս են բղիւսած այս և այն օրինական կանօններից և դարձած ժողովրդի սովորութիւն, նոյնպէս այն փոխառութիւնները, կանօնները, որք գիտութիւնը առնում է նախկին օրէնսդրութեանից և դիտելով իրարի միջոցով ստեղծում է ամբողջ գաղափար և տալիս հասարակաց գիտակցութեան: Բայց այս երկու ֆակտորների (գործիչների) այսինքն սովորութիւն և առիթն ու թիւն են անհրաժեշտ գործութիւնը շատ սահմանափակված է իրաւունքը ստեղծելու: Նա միայն կարող է կանօնաւորել օրէնսդրութեան ընթացքը, երբ սա արդէն գոյութիւն է ստացել և օգնել սրան ընթանալ յայտնի ճանապարհով. բայց սովորութիւնը և գիտութիւնը (իրաւաբանութիւնը) իրաւունքը գոյանալու պատճառ չեն կարող լինել, չեն կարող ոչնչացնել այն խոշորութիւնը, որոնք արդեւ են նոր հասանքին: